

真誠 清淨 平等 正覺 慈悲



看破 放下 自在 隨緣 念佛



香光淨宗學會 印贈

憨山大師

醒世歌、費閑歌

憨山大師醒世歌

紅塵白浪兩茫茫，忍辱柔和是妙方，
到處隨緣延歲月，終身安分度時光。
休將自己心田昧，莫把他人過失揚，
謹慎應酬無懊惱，耐煩作事好商量。
從來硬弩弦先斷，每見鋼刀口易傷，
惹禍只因閒口舌，招愆多爲狠心腸。

是非不必爭人我，彼此何須論短長，
世事由來多缺陷，幻軀焉得免無常。
吃些虧處原無礙，退讓三分也不妨，
春日纔看楊柳綠，秋風又見菊花黃。
榮華終是三更夢，富貴還同九月霜，
老病死生誰替得，酸甜苦辣自承當。
人從巧計誇伶俐，天自從容定主張，

諂曲貪瞋墮地獄，公平正直即天堂。
麝因香重身先死，蠶爲絲多命早亡，
一劑養神平胃散，兩鍾和氣二陳湯。
生前枉費心千萬，死後空持手一雙，
悲歡離合朝朝鬧，壽夭窮通日日忙。
休得爭強來鬥勝，百年渾是戲文場，
頃刻一聲鑼鼓歇，不知何處是家鄉。

憨山大師費閑歌

講道容易體道難，雜念不除總是閑，
世事塵勞常掛礙，深山靜坐也徒然。
出家容易守戒難，信願全無總是閑，
淨戒不持空費力，縱然落髮也徒然。
修行容易遇師難，不遇明師總是閑，
自作聰明空費力，盲修瞎練也徒然。

染塵容易出塵難，不斷塵勞總是閑，
情性攀緣空費力，不成道果也徒然。
聽聞容易實心難，侮慢師尊總是閑，
自大貢高空費力，聰明蓋世也徒然。
學道容易悟道難，不下功夫總是閑，
能信不行空費力，空空論說也徒然。
閉關容易守關難，不肯修行總是閑，

身在關中心在外，千年不出也徒然。
念佛容易信心難，心口不一總是閑，
口念彌陀心散亂，喉嚨喊破也徒然。
拜佛容易敬心難，意不虔誠總是閑，
五體虛懸空費力，骷髏磕破也徒然。
誦經容易解經難，口誦不解總是閑，
能解不依空費力，日誦萬卷也徒然。

南無阿彌陀佛

回向偈

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

【惜珍護愛請敬·緣結費免·量無德功·印翻迎歡】

憨山大師 醒世歌 費閑歌

◎印贈者—香光淨宗學會

電話：(〇二)八五一—〇九五五

傳真：(〇二)八五一—〇九五三

地址：台北縣三重市中興北街179號1樓

網址：www.hsiangkuan.org

E-mail：hsiangkuan@sparqnet.net

◎淨空法師影音網址

淨空法師專集網站 <http://www.amtb.org.tw>

淨空法師專集簡體網站 <http://www.amtb.cn>

淨空法師英文網站 <http://www.chinkung.org>

◎排版承印—和裕出版社(〇六)二四五四〇二三~七
中華民國九九年八月恭印參仔冊結緣
佛曆二五五四年